

11/05/2019 فيسبوكيات

الممثلة «رغدة» تهاجم محافظ اللاذقية: «لملم ثعابينك» / فهل أرادت شتم المجرم بشار تطبيقاً للمثل الكلام الك يا كنة اسمعي ياجارة



شنت الفنانة السورية رغدة، هجوماً حاداً على مسؤول سوري كبير، متهمه إياه بتجاوز حدود القانون ومخالفة توجيهات الرئيس بشار الأسد.

وبعدة منشورات على صفحتها بموقع فيسبوك، قالت رغدة، إن محافظ اللاذقية إبراهيم خضر السالم، يهيمن على المحافظة وعلى أهلها، مضيفاً أنه يلغي بهيئته كل صلاحيات الدوائر الحكومية وتجاوز حدود القانون.

وتوجهت النجمة السورية إلى السالم بالقول " محافظ مدينة اللاذقية: انت والمسؤول اللي حطك :متلكن كثير اجو وراحو ، ونحن الباقيين ، اذا صدقت حالك انك دايم، مادايم الا وجه الله والشعب ،وإذا صدقت انك مهمين ع مدينة واهلها وعم تلغي بهيئتك كل صلاحيات الدوائر الحكومية وعم تتجاوز حدود القانون".

وأضافت "فأوعاك تصدق انك مش مكشوف ريحتك فاحت، فهمت ولا منطلع اللي في جيوبنا، حدا يا جماعة يوصلو ياها اذا ماوصلتو وكان مشغول ب"، كما ذكرت.

وتناولت رغدة مشاكل أهالي ريف اللاذقية ومنهم ذوي ضحايا الحرب، الذين وكما قالت يعانون فقراً وإهمالاً من كل النواحي، في ظل عدم اهتمام مسؤولي المحافظة بمن ضحى بدماء أبنائه لتبقى سورية صامدة، على حد تعبيرها.

وأشارت الفنانة السورية التي تقوم بين الحين والآخر بزيارة ذوي ضحايا وجرحى الحرب، إلى أن السالم



ومسؤولي وأثرياء اللاذقية لا يعرفون أي شيء عن معاناة أهالي القرى الفقيرة، وقالت " شو بتعرفو عن كل الضيع وأوضاعها وأوضاع أهاليها ومعاناتهن؟ شو بتعرفو كيف عايشين ومين؟ شو بتعرفو عن مناطق خارج مدنكن اللي أنتو فيها عم بتنقو ع كل شي وأنتو أصلا مرفيهين بزيادة عن المفجوعين بولادهن وفقرهن والصف الثاني والثالث من الحكومة ومن بعض المحافظين وجر لأمناء فروع الحزب ورؤساء الدائرة وصولا للمخاتير (مفرد مختار) مش بس هيك لا حدا منهن على مدى سنين تأفف من عجزو المادي ولا من شح الأرض اللي جفت عروقها لغياب ولادهن اللي كانوا يفلحوها ، بيحنو ع بعضهن بطريقة أنتو اللي ف المدن ماعرفتوها وقت شدة الحرب ،

وأضافت رعدة " بتعرفو شي عن أهل شهيد في ضيعة م الضيع اللي المختار قطع عنهن المي لأنو اشتكوه لأمين فرع الحزب اللي أصلا ماسأل عن شكوتو، شو بتعرفو عن ضيعة كل مناشر غسيلها فوق سطوحها أسود وماعاد فيها غير نسوانها وولادها الصغار يشتغلو في أراضيها".

وتابعت الفنانة السورية " شو بتعرفو عن ضيعة تالته بيتكرم فيها اهل الشهدا بشوية معلبات وكم كيس رز وشعيرية وازازة زيت واذا حدا منهن فتح تمو وسأل وين بقية التكريم بيستبعد من التكريم ومن الحاكم بأمر طمعو المتحكم في الضيعة وكانت منهن مرة ابنها الوحيد ومعيها مستشهد بس أهل الضيعة ماتركوها وشاركوها في لقمتهن".

وذكرت عدة مشاكل لسيدات في قرى فقيرة وقالت " شو بتعرفو عن أم لتلت شهدا في ضيعة من هالضيعة دافنتهن في أرضها ورح تتاخد منها الأرض لأنها كانت مستأجرتها لولادها الشهدا كانوا يزرعوها اللي ف الاخر هنن انزرو فيها ومش عارفة مصير قبورهن من صحاب الأرض اللي ساكنين في المدينة".

وتابعت " شو بتعرفو عن أم شهيدين من ضيعة من هالضيعة رفضت تدفن شهيدها الثاني في حضرة المختار وأمين فرع الحزب والمحافظ اللي جايين يتبروظو مع الكاميرات ولما انكشحو دفنتو وزغردت ودعت ل الله يخلص الرئيس من هل الكائنات قبل ماتدعي لابنها الشهيد".

ولفتت بالقول " شو بتعرفو عن صاحبة التنور اللي ع الطريق بين هديك الضيع اللي ولادها واحد مخطوف والثاني شهيد والثالث عم يخدم جيش في منطقة ساخنة وكل همها الله ينجي بقية شبابنا م الخاطفين وينصر جيشنا ويرجع الأمان".

وتوجهت رعدة إلى السالم بالقول " لملم ثعابينك بسرعة عصا موسى في الطريق، وبحسب مايقوله الرئيس فحضرتك غير مرغوب فيه حتى داخل الوطن ، وأمثالك من أصغر مسؤول لأكبر مسؤول فيكن".